

疫

痧

草

疫痧草自敘

余聞之父老曰肺胃蘊熱則發痧痧症輕自古無專書又曰瘟疫之症險變幻不測傳染無己者也顧瘟疫未嘗曰發痧發痧未嘗曰爛喉爛喉發痧實起于近年也發痧何以名疫爲爛喉而傳染于人也發痧何以爛喉凡人口鼻之氣上通于天天有鬱蒸之氣霾霧之施人自口鼻吸入着于肺胃肺主咽喉故疫痧多兼爛喉也疫氣者今昔之所同有也而近日疫氣何以發痧爛喉蓋今人氣稟不逮古人抑且起居失調所以疫厲之毒乘虛而干肺胃以致爛喉發痧也爛喉發痧其症必險氣息傳染死者甚衆良可哀也夫疫痧之症見象不一當汗當清其機甚微道不揣鄙陋觀其象察其機偶有所得而遂筆之于書其草率無文故名曰疫痧草

嘉慶六年歲次辛酉仲秋虞山陳耕道自序于思誠廬

重刊陳氏疫痧草序

余家業兒醫四世先大父鳴岐公治疹痘最有聲於時自秉鴻從兄卽世而刀圭失傳然里中諸名家常與往還以余亦素心於方脈間有來診者固亦未嘗不實事求是也昨夕外科沙君耀榮幼科劉君德林持虞山陳氏疫痧草示余曰方今痧氣流行役使遠邇我輩從嘉慶戊辰癸酉兩次治疫痧後俱奉是書爲圭臬試輒有效惟原版遠在姑蘇吾淮珍藏無多偏僻邱墟從來未見非重鈔付梓廣爲布送恐痧毒燎原救之不及我輩轉於心自疚也頃有宋翁耀廷怵惕靡遑引爲己任已捐貲若干亟鳩鐫木之工求吾子序其簡端並可發明一二余聞之辟席謝不敏然耀榮德林兩先生虛衷而不自私實力以求普化宋翁向稱長者婆心傾助俾是書傳之枌榆羣生登之仁壽皆樂善君子也可多得哉可多得哉余維辰戌之歲初之氣民厲溫病卯酉之歲二之氣厲大至民善暴死終之氣其病溫寅申之歲初之氣溫病乃起丑未之歲二之氣溫厲大行子午之歲五之氣其病溫巳亥之歲終之氣其病溫厲又冬傷於寒春必病溫溫之爲病衆矣夫傷寒之邪從足太陽入溫熱之邪從手太陰入世以治傷寒之法治溫熱如鑿柄不合而汗下並行助虐滋甚葉天士溫熱論極精細

近時吳鞠通溫病條辨更爲賅備雖其說未必盡驗而初病忌辛溫癰疹禁升提溫毒如咽痛喉腫耳前後兩頰腫均用普濟消毒飲去升麻柴胡初起并去芩連洵金鍼度人也顧疫痧爛喉向無專條而最傳染最迅速善治猶難矧誤投藥餌乎陳氏は書觀象察機體會而出序言疫氣吸自口鼻著於肺胃今人氣稟不逮古人抑且起居失調故疫厲乘虛以致爛喉發痧而險惡可哀也余因之有感矣金匱眞言論曰夫精者身之本也故藏於精者春不病溫岐伯曰不相染者正氣存內邪不可干蓋疫氣穢濁未有不因少陽而自能上騰者如果少陰不虧少陽自伏經旨固明明示人也且少陰主君火少陽主相火兩火相然故喉病至潰爛是書謂正陰虛而疫毒盛誠爲危疾有以也要而言之溫病熱變本速疫痧爛喉尤亟防內陷臨是症者於陳氏疎達清化兩劑間詳審而運用之則關鍵在手存活不少矣沙君又袖瘍醫大全第三十三卷所論痧疹宣毒發表不可驟用苦寒亦攸關生命也沙君又謂是書未立吹嗽藥方當擇善而補綴於後吁余何知醫聊述所聞與是書互證并以質之沙君劉君

道光十八年歲實戊戌春二月之杪松巢萬鏞書於慈竹凌寒草堂

重刊陳氏疫痧草序

疫痧草者虞山陳氏所著吾浦萬杏村先生及沙劉兩君所續刻也自遭兵燹鋟板無存去秋予晤劉君漢臣劉君謂予曰近來天道南行恐疫痧復作篋中賸有疫痧草一帙擬卽措貲重刊爲先患之防未幾是證果行且多天札予服劉君之先見而亦搜得一編見其辯證之精詳製方之精當尤爲壽世良編思有以副劉君救世之志焉適晤陸君曜堂爲述劉君前意促以共襄此舉陸君亦憫斯證之險聞予藏有是編索而閱之大加歎服因以共成其事嗟夫劉君固治未病者也陸君亦計將來者也一則觀象察幾爲豫防之計一則婆心濟世殷樂善之懷此兩人者洵可風矣予非業醫者緣兩君翻刻是書並商於予予遂樂爲之序板旣成命手氏藏之所願有心濟世者見是書而廣爲流傳未始非活人之一助也

光緒辛巳夏五月袁江虎臣程人彪謹序

疫痧草目錄

疫痧辨論章

辨論疫痧名義

辨論疫邪所干臟腑

辨論疫痧正陰不足

辨論避疫氣

辨論發痧有疫無疫

辨論疫邪迅速一感即發

辨論疫痧愈後宜謹慎調攝

疫痧見象章

發熱

得汗

痧達

辨論疫痧治法

辨論疫毒感染

辨論疫氣所結

辨論疫邪所由來

辨論疫邪所干臟腑不同傷寒

辨論治疫痧法不同治傷寒

辨論時痧見象治法

不熱

不得汗

痧不達

形色

痧發痧沒

舌色

毒涎

神煩

鼾睡

鼻煤

失音

便閉

肌癢

唇

咳嗽

目赤

部位

脉象

爛喉

穢氣

神昏

鼻煽

牙關拘急

呃逆

便溏

肌燥

齒乾

不咳嗽

噫

氣促

譫語

面色

惡寒

鼻衄

嘔惡吐衄

溺瀉

渴

腹痛

毒泡

牙疳

遺毒

虛癆

妊娠發痧

附見象總論

疫痧湯藥章

疏達之劑有小序

葛根湯

加減葛根湯

鼓香散

清散之劑有小序

葛犀湯

犀鼓飲

清化之劑有小序

犀角地黃湯

犀羚二鮮湯

奪命飲

清肺飲

下奪之劑有小序

雙解散

四虎飲

救液之劑有小序

五鮮飲

育陰煎

附湯藥總論

經驗吹藥十寶丹

又嗽喉神方

又敷方

又牙疳神方

又驅瘟避邪法

疫痧草辨論章

辨論疫痧名義

痧。方書名麻疹。浙人呼爲瘡子。其病輕。自古無專書也。至石頑醬通始有麻疹一種。其書曰。麻疹者。手足太陰陽明蘊熱所致。邇來麻疹變幻百出。其危有甚於痘者。書中諸論極詳。至喉痧之說。疫毒之名。未之加也。而近年發痧。大半爛喉。且復重險。何也。感疫毒也。感疫輕則喉爛輕而痧亦輕。感疫重則喉爛重而痧亦重。重者最易傳染。往往一家連斃數口。可謂險而又險也。

辨論疫痧治法

爛喉疫痧。以喉爲主。喉爛淺者疫邪輕。喉爛深者疫邪重。疫邪輕者易治。重者難痊。醫者當視其喉。喉爛宜淺不宜深也。觀其神。神氣宜清不宜昏也。按其脉。脉宜浮數有神不宜沉細無力也。察其痧。痧宜顆粒分明而緩達透表不宜赤如紅紙而急現隱約也。合而論之以定吉凶。

駿按時痧不傳染而重
輕疫痧易傳染而重
疫痧則喉爛同源異派
痧達則喉爛不必拘伏
則喉爛劇化透痧
治喉只要化疫透痧
自可化險爲夷矣

駿按爛喉疫痧雖以
喉爲主第痧達則邪
有出路喉內閉喉爛
伏則疫邪以爲喉爛
增劇予見之達伏之
輕重係乎痧之達伏
精氣神乃人身三寶
精傷氣傷猶可治療
若神傷而昏脉更沉
細則危

駿按疫毒入於肺胃
猶可使其化癰從皮
毛肌肉以泄其邪若
直犯心包則至危至
逆牛黃丸紫雪丹或
可挽救萬一

辨論疫邪所干臟腑

爛喉疫痧。疫毒自口鼻吸入。干於肺胃。盛者直陷心包。口鼻之氣通於天。天有鬱蒸之氣。霾霧之施。人自口鼻吸入。着於肺胃。肺主咽喉。故疫痧多見爛喉也。至於神昏。其疫毒已陷心包。如暑氣之歸心矣。

辨論疫毒感染

疫痧之毒。有感發。有傳染。天有鬱蒸之氣。霾霧之施。其人正氣適虧。口鼻吸受其毒而發者。為感發。家有疫痧。人吸受病人之毒而發者。為傳染。所自雖殊。其毒則一也。

辨論疫痧正陰不足

發痧有正虛。有陰虛。正陰虛而疫毒盛。誠為危疾也。正虛疫盛者。灼熱無汗。喉爛神昏。痧隱成片。而脉細如絲。軟如絛。正氣欲脫。疫邪直干臟腑矣。陰虛疫盛者。無汗灼熱。神昏喉爛。痧隱成片。而舌絳且光。短且強。陰液燥涸。疫火灼傷臟腑矣。二者斃甚速。正虛之斃尤速也。正陰者。人之賴以為生也。正陰實而疫毒盛。毒火炎炎。迅如雷電。陰液為之涸。正氣為之敗。猶屬不治。而况正陰素虧乎。而况正陰俱虧乎。

駿按正正氣也陰陰
精也經謂邪之所湊
其氣必虛又謂陰精
所奉其人壽足見正
陰不虛者疫邪不能
干也若疫重而正陰
虛誠為危候其斃可
立而待然一息尚存
豈容坐視唯扶正以
化疫養陰以助汗或
可挽救萬一

潤按此則言疫悉本
天時地氣失常立論
至若人事全未及
如明末流寇張獻忠
李自成暴戾恣睢殺
人盈野屍穢鬱蒸釀
成巨疫吳又可因而
著溫疫之論此又非
天時地氣所關學者
弗可弗審

駿按避疫之法內經
正氣存內邪不可干
之說最精夫疫往往
乘虛而襲若經有疫
之區切忌先自氣餒
尤忌掩鼻屏息設入
不能屏則一吸而深
直達氣海受疫轉入
嘗見甲乙兩人同行
有擔糞者過甲見之
而掩鼻覺其臭氣衝
腦乙未見而談笑自
若毫無所覺蓋人自
呼吸不能攔入若屏
片時則偶然一吸外

辨論疫氣所結

疫厲氣也。厲氣何自而結。結于天應寒而反大熱。天應熱而反大寒。或大寒之後。繼以大熱。大熱之後。繼以霾霧。大熱之後。繼以大寒。大寒之後。繼以淫雨。或河水泛而氣穢。或疾風觸而氣毒。或天久陰而鬱熱。或天盛暑而濕蒸。此疫氣之所由結也。然此特于有象求之。天之布疫也。象無可擬。或布一方。或布一家。有感有不感者。數也。

辨論避疫氣

疫之來也。無從而避也。避疫之說。不過盡人事以聽天爾。凡入疫家視病。宜飽不宜飢。宜暫不宜久。宜日午不宜早晚。宜遠坐不宜近對。即診脉看喉。亦不宜與病者正對。宜存氣少言。夜勿宿于病者之家。鼻中可塞辟疫之品。以上之法。皆有象之避也。至于無形之感觸。數也。無從而避之也。一日羣醫在疫家診病。一醫年最老。主人問曰。疫之傳染于人人所知也。而醫者日至疫家。必有避忌之法。或曰。視疫病也。宜飽不宜飢。或曰。診疫脉也。坐宜偏不宜對。或曰。醫至疫家不一。然所至之家。俱暫而不久。一診之後。議論定方。未必即在疫病之房。其感氣淺。所以傳染少也。老者默然。主人叩之曰。諸公之說俱是。然余之言。異乎諸子之說。疫

氣反得乘之避疫者不可不知

駿按種痘取巧先天伏毒未盡發泄誠有是理此今之妙也雖然重可一概而論膏糧之輩蓋覆過溫熱先內伏陰更暗傷易於感疫藜藿之輩飢飽失常污穢不潔足以釀疫更有久旱久潦兵燹之後水災之餘天時人事醞釀而成痧者此又關於定數也

的有此理

邪厲氣也。厲氣不勝正氣。醫者至疫家。診脉定方。殫心竭慮。必求危病得安而後快。是正氣也。在我有正氣。在外之厲氣。何自而干之乎。余聞其言。心甚敬服。而筆之于書。

辨論疫邪所由來

疫痧之發。昔日少而近日多。昔日輕而近日重。重者死。而死者多。不可不考其所由來也。其所由有四。疫毒厲干臟腑。氣稟薄弱。易吸受種痘。甚行胎毒。未清起居不調。疫毒易干。疫氣今昔之所同有也。然往昔疫邪未聞發痧。往昔發痧未聞爛喉。疫痧者。疫毒直干肺臟而喉爛。氣穢盛者。直陷心包而神昏不救。瞬息之間。命遂夭殂。毒氣傳染。枉死甚衆。疫厲之重。良可哀也。然人之氣稟厚。正氣旺。精神強固。氣血充和。呼吸之間。疫毒無自而干。卽或氣稟薄弱。正氣弱。而能寡嗜慾。節飲食。調寒暖。以慎起居。使臟氣和諧。精神清暢。疫毒雖厲。究亦邪不勝正。否則疫毒之干。誠易易也。痘是借溫熱之邪。以發先天之毒。邪盛毒重。十斃五六。時痘纏綿盈村累巷。而種痘之法。俟其溫熱不蘊積之時。發其先天一二分之毒。種之得法。十不失一。簡便靈妙。無逾于此。種痘之法。是假人巧。以息危疾。而疫痧之行。又因人巧。而致危症。自出之痘。胎毒輕則痘輕。胎毒重則痘重。先天之毒。必盡達乃已。而種痘者。胎毒雖重。不過發

其一。二其餘胎毒。仍蘊而未發也。毒未發而疫毒干之。則二毒混淆。若火燎原。津液爲之涸。臟腑爲之腐。得其疾者。危殆不救。疫痧之行。非因人巧而致危症乎。然因疫痧而詆種痘。則又非也。胎毒雖盛。氣稟雖薄。疫厲雖重。而能寡嗜慾。節飲食。調寒暖。消疫痧之患于無形者。亦未嘗無之。所謂人定可以勝天也。卽或寡嗜慾。節飲食。調寒暖。而終不免爲疫痧傳染者。天也。人不得而知之矣。

辨論發痧有疫無疫

疫痧爛喉。原是溫熱之症。其症無疫者輕。有疫者險。無疫者病雖重而死者少。究其由。無疫而發痧。無疫而爛喉。則溫熱之邪。僅在經絡。疎而達之。故易鬆解。若觸毒而發痧爛喉。一時俱見。則溫熱之毒。深藏臟腑。故病重。病重者。重用疎達。而痧反隱。神反昏。喉爛反盛者。往往有之。何也。溫熱之邪。自肌表。感冒溫熱之毒。自口鼻。吸入肌表。感冒者。邪在經絡。疎以達之。得汗。卽鬆。口鼻吸入者。毒在臟腑。疎以達之。所以反險也。

辨論疫邪所干臟腑不同傷寒

傷寒傳徧六經。而疫痧之邪。不傳徧于六經也。其感冒疫邪在肺胃。甚者直陷心包。如嘔惡。

潤按溫熱之邪何嘗不自口鼻吸入特無疫毒之重耳

駿接傷寒論六經疫邪論三焦其傳化大

相徑庭疫邪由口鼻而入首犯肺胃甚者直陷心包以傷寒之法治疫固誤即以溫法治疫亦屬有誤蓋疫邪純屬厲氣非兼辟穢解毒無以清其源也

呃逆舌絳口渴牙關拘急等象是邪據陽明而陽明病象見也如鼻煽鼻煤喉爛氣穢失音軌衄等象是邪犯太陰而太陰之病象見也如神煩神昏鼾睡譫語等象是邪干心包而心包之病象見也肺胃在身半之上主乎口鼻疫邪自口鼻而入故其邪多據于肺胃而心包與肺胃相近宜乎陷心包之徑捷也其餘他臟或火盛而波及未必疫邪據此矣

辨論疫邪迅速一感即發

疫之爲病一感即發未發之前安然無恙也既發之後迅若雷電也醫者全在視其感疫之輕重觀其正陰之虛實正陰虛而感疫重一發即多犯象感疫輕而正陰實其發自有順機其犯象也其順機也亦必身熱痧見而后定之不能因弟發痧而決兄不發也亦不能因兄發痧而決弟之必發也亦有兄發痧而預使弟服藥盡因弟發痧而使兄他居之爲妙乎他居之而亦發痧者數也人不得而知之矣若論如傷寒之有伏邪而后發何以病疫之家兄發而弟亦發此發而彼亦發天然之巧伏邪人聚于一家乎若論感疫久之而后發何以朝見兄病而夕即弟病更有親來視病而即染病乎總之醫者在乎視其感疫之輕重觀其正陰之虛實而定其病勢之順險其險其順能于一發之時決而無悞斯爲老眼

辨論治疫痧法不同治傷寒

疫痧之火。迅如雷電。身熱一發。便見爛喉。神呆。痧隱肌赤。不分顆粒。其毒火炎炎。灼傷臟腑。在片刻間爾。安能如傷寒之傳變六經。綿延日久哉。其治法。必如傷寒之疎達既透。而后清之化之。則恐十死八九矣。治疫痧者。在疫火未肆之前。而先化其火。則其火漸化。其病漸鬆。在疫火既肆之后。而后化其火。吾恐化之無益矣。汗雖無。身灼熱。痧雖隱。無顆粒。脉雖鬱。喉已腐。舌雖垢。神已煩。疎不兼清。每多凶達。而兼化每多吉。必如傷寒症之疎達既透。而后清之化之。豈非十死八九哉。故以治疫痧之法。治傷寒不可以治傷寒之法。治疫痧亦不可。然善治疫痧者。必善治傷寒。善治傷寒者。必善治疫痧。善治疫痧傷寒者。亦必善治雜症。神而明之。存乎其人也。善治疫痧傷寒雜症者。推其理而齊家治國。何莫非擴而充之之道哉。范子曰。不爲良相。卽爲良醫。此之謂也。

辨論疫痧愈後宜謹慎調攝

潤按無形之邪。每借有質爲依附。痧後餘焰。尙存不特堅硬。生冷宜禁。卽飲食亦應

痧後調攝。最宜謹慎。調攝不善。豈特痧後虛癆。種種惡症。隨其所犯而乘之。曾見食堅硬而腹脹死。食生冷而水腫死。如此之類。不可勝記。疫痧之症。毒火內熾。津液爲之涸。臟腑爲之

多頓少食防其食復
痧後食堅硬生冷必
腹脹水腫而死乃胃
陰脾氣傷而未復之
故

喉雖腐口不臭身雖
熱神不煩痧雖密色
不暗辛涼疏達易透
易解反是則爲疫痧
矣

傷其後病愈未久。或火雖退而正氣甚虛。或正既虛而餘火未淨。偶有所犯。則邪火復熾。正
如摧糞墻。折朽木。往往有直干臟腑而立斃者。夫疫痧惡症。其愈甚難。痧後不慎。其斃甚易。
思既愈而復斃之可畏。自必謹慎調攝已。

辨論時痧見象治法

時痧。次於疫痧也。身乍熱而痧細隱約。無汗脉鬱。喉爛神煩者。疫痧也。身發熱而咳嗽神清。
有汗喉不腐。數日後痧點乃見。三三五五。零星散布。又數日。咳盛脉大。或兼便溏。痧形轉大。
轉多。大塊雲密。肌膚赤焮。此爲大塊時痧。次於細小疫痧也。夫大塊痧。未必必無疫。必不死
也。細小痧。未必必有疫。必死也。痧雖細小。而熱不盛。神不昏。脉有胃氣。喉不腐爛。無疫毒之
伏。非必死之症。痧雖大塊。而熱不止。神不清。津液乾涸。正氣敗壞。卽無疫毒之伏。亦爲必死
之症。然大塊之痧。無疫者多。死者少。細小之痧。有疫者多。死者衆。細小之痧。熱不盛。喉不腐
者。俗名爲風痧。非疫痧也。不以此例也。大塊之痧。亦如疫痧之易於傳人。而死者少。余故以
時痧目之。疫痧治法已悉。此特以時痧之見象治法言。時痧者。風溫時邪在經絡。無疫毒干
臟之患。身熱而有汗。咳嗽而神安。其發也遲。始則三五散布。繼則赤焮雲密。自發至退。常十